



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Tribunal Poenitentiæ Sev Libri Dvo Prior De Poenitente Ut
Reo Posterior De Confessario Ut Judice**

Stoz, Matthäus

Anno M.DC.LXXXIX.

Art. 1. De specifica peccatorum distinctione.

urn:nbn:de:hbz:466:1-37144

fueritne dæmon in forma viri vel fæminæ, talis conjugati, sanguine juncti, voto obstricti &c. Fill. *ibidem*. quia supra bestialitatem additur affectus erga tamē personam.

552. Porro omnes prædictæ species sunt ex genere suo peccata mortalia, & quidem ita, ut nulla probabilitate dici aut judicari queat, eas quandoque ob parvitatem materiæ transfire posse in peccatum veniale. Et quoniam etiam singulæ ab invicem verè differunt specie, non est sat's dicere, se *externo opere contra castitatem peccasse*; sed necesse est, ipsam operis exteri speciem declarare; alijs non explicares propriam malitiam, v.g. fornicationis, quæ est specie diversa à quaunque alia malitia contra castitatem.

553. Ad hæc, cetera, quæ præcipue tamen & osculis contra castitatem committuntur, revocantur tanquam dispositio-nes & præambula; & idcirco seorsim non sunt explicanda: Bonac. *de pænit.* D.5. q.5. f.2. p.2. §.3. diff.2. n.12. Reginald. L.14. n.55. Fill. tr.21. n.334. nisi (quod frequens est) tunc, cùm re ipsa cum actu, ad quem ex intentione fuerunt ordinata, non conjunguntur: vel conjunguntur quidem, exercita tamen sunt sine relatione seu intentione ipsius actus consummati. Bonae. *ibid.* Coninch. *de Sacram.* D.7. d.7. n.58. Suar. D.22. f.5. n.24. Dian. *in sum. V. Circumstantia.* n.59. Navar. c.6. n.7. & alii. Idem est de-actibus, osculis &c. quæ consummatum luxuriæ actum consequuntur, siiant non ad novam copulam, sed prioris complementum: nam neque hæc distinctum, & in confessione specialiter explicandum peccatum constituant; nisi notabilis inter

R. P. Stoz. Trib. Pænit.

ipsa & principalem actum intercedat mora. Navar. c.6. n.7. Henr. I.5. c.5. n.5. & in *Gloss. lit. V.* & c.8. n.3. Sancius D.6. n.2. Dian. n.58. Tamb. *in Meth. conf.* l.2. c.1. §.10. n.72.

Nota, ex suprà posito peccatorum Catalogo ad Confessarium non esse deferenda, nisi illa, quæ minori typo, quem *Cat-*
sivum appellant, descripta sunt: hæc enim sola sunt materia confessionis: reliqua vero, quæ charactere, quo ordinariè usi sumus, expressa sunt, declarant peccatorum designatorum naturam & gravitatem, & sunt in confessione proflus omittenda.

QUÆSTIO IV. De Multiplicatione Peccatorum.

AD planiorem facilioremque suprà positi Syllabi, quo peccata eorumque naturam complexi sumus, usum, non incongruum erit, aliquid addere de peccatorum multiplicatione seu distinctione, quæ generatim duplex, specifica & numerica.

ARTICULUS I.

De specifica peccatorum distinctione.

554. Ut specifica peccatorum distinc-
tio rectè assignetur, breviter advertendum est ex materia de Actibus humanis; eorum alias præcisè malos esse, quia lege aliqua positiva, eaque vel divina, vel humana sunt prohibiti; alias verè indepen-
denter ab ea prohibitione malos esse; quales sunt, qui jure naturali sunt illiciti, ut perjurium, pollutio, mendacium &c.

Hoc

Q9

Hoc præsupposito, non admodum operosum erit, dicere, quæ peccata inter se species differant.

§. Unicus.

Quanam peccata specie differant.

555. Peccatorum, quæ & quatenus positivis legibus repugnant, specifica distinctio rectè desumitur ex formalis & specifica præceptorum diversitate. Laym. *I.i. tr.3.c.2.n.1.* Sanch. *I.9. de Matri. D.15. n.5.* Palaus *tr.2.D.3.p.1.n.4.* Bonac. *de pec. D.2. q.4. p.3. n.5. & alii.* Cùm enim peccatum aliud non sit, quam voluntaria legis seu pracepti transgressio, illud ipsum, quod ei violationi speciem tribuit, etiam peccato tribuet; id autem est ipsum præceptum. Unde contingere potest, ut, licet ipsi præcipientes seu legislatores specie differant, ut DEUS & homo, non tamen præcepta ab iis lata similiter differant. Palaus *n.2.* Bonac. *I.c. Lugo depanit. D.16. f.5.n.245.* Dicast. *de pæn. tr.8. D.9. d.8. n.471.*

556. Ceterum præceptorum diversitas ex dupli potissimum capite deprehendi potest; quorum I. est objectum formale seu motivum proximum, propter quod lex aliqua statuit: cùm enim quilibet actus, quo aliquid præcipitur aut prohibetur, habeat motivum, quod spectet, seu propter quod præcipiat aliquid, vel prohibeat; necesse est, ut, si motivum specie differat, etiam præceptum differat: ea enim est objecti formalis conditio, ut, si ipsum specie differat, etiam actus illud respiens talis sit.

557. Quoniam autem in qualibet res præcepta potest à legislatore intendi vel

ipsa ejus rei intrinseca honestas, v.g. in jejuniu ratio Temperantiae: velextrinsecus proveniens scilicet ex ipso, quod præcipiens pro arbitrio suo spectare & intendere potest, motivo seu fine, v.g. in eodem jejuniu cultum alicujus Sancti, in cuius honorem jejunium illud indicitur: vel etiam utraque simul: quoniam, inquam, legislator, cùm aliquid præcipit, hoc omnia vel simul, vel seorsim intendere potest, difficultas jam est, unde dignoscit possit, legislatorem, cum actum aliquem v.g. jejunium præcipit rationem habere vel folius intrinsecæ honestatis, in eo actu reperiatur; veleā non attentā, alterius cuiuspiam virtutis, v.g. Religionis; veletam utriusque: ad cuius decisionem hæc regula servire potest.

558. Quandocunque aliud non constat ex circumstantiis, & verib; quibus res præcipitur, præsumendum est, eam præcipi ex intrinseco virtutis, ad quam res præcepta pertinet, motivo: & indubio standum est pro intrinseca ipsius rei honestate; rem enim præcipi intuitu virtutis, ad quam intrinsecè spectat, est quid frequentius, & verò etiam connaturalius; unde (nisi aliud expressè constet) ita factum esse præsumendum est. At verò, si ex verbis præcepti vel circumstantiis extrinsecis aliud constet, censendum est, rem præceptam esse intuitu extrinseca honestatis, hoc est alterius cuiuspiam virtutis, ad quam res illa intrinsecè non spectat. Exemplo res clarior evadet. Percussio persona sacræ, aut furtum reisacræ specialiter ab Ecclesia prohibetur intuitu Religionis; id quod colligitur ex circumstantiis personæ percussæ, & reiablatæ. Cùm enim percussio Clerici penitentia ac

de ac Laici, furtum rei sacræ periende ac profanæ. Justitiae repugnet, rectè inferatur, præceptum Ecclesiasticum, quo vetatur percussio personæ, aut furtum rei sacræ, non esse datum intuitu Justitiae, ad quam non pertinet circumstantia *sacri*, sed intuitu Religionis: econtra vero jejuniū, præceptum in vigilia alicujus festi, motivo solius temperantiae niti; quia nihil est, ex quo colligi possit, etiam Religionis rationem esse habitam. Hinc qui Clericum percutit, duo peccata committit, unum Religioni, alterum Justitiae oppositum, quia præcepta diversam rationem formalem respicientia violat: qui vero jejuniū, pro vigilia alicujus festi injunctum, frangit, tantum unum peccatum committit; quia etiam unum tantum præceptum, ex uno eodemque temperantiae motivo latum transgreditur.

559. Quod jam ad II. caput, ex quo præceptorum diversitas sumi potest, attinet, illud est objectum materiale: licet eam per ordinem ad illud præcepta generaliter non possint specie distingui (alioqui præceptum de carnibus non comedendis specie tam varium esset, quam variae sunt carnium species; quod est aperte falso) negari tamen non potest, ea quandoque etiam per ordinem ad diversa specie objecta materialia specie differre: id quod clare cernitur in præceptis audiendi Sacrum, & recitandi Horas Canonicas, quæ licet ad eandem virtutem, nempe ad religionem spectent, adhuc tamen differunt specie, non ex objecto formalis, ut patet: igitur ex materiali. Sed hæc de specifica peccatorum diversitate desumpta ex formalis præceptorum diversitate latit.

560. Quod ergo ad peccata, quæ & quatenus juri naturali repugnant, spectat, ea specie inter se differunt, cum ipsa eorum objecta inter se specie distinguuntur; imò vero etiam tunc, cum ipsa ratio seu modus, quo in objectum tendunt, valde diversus est: si enim ex ejusmodi principiis differentiam specificam physicam rerum deprehendimus; utique etiam ex istud moralem poterimus pervestigare. Hinc rapina specie differt à simplici furto; et si enim objectum utrinque idem sit, modus tamen, quo illud attingunt, est notabiliter diversus: in rapina enim cernitur vis, quæ in simplici furto non est. Similiter stuprum specie differt à simplici fornicatione cum Virgine: licet enim eidem virtuti, videlicet castitate, opponantur, cum stupro tamen conjuncta est violentia, non item cum fornicatione simplici. Sic & prodigalitas ab avaritia specie differt ex diversitate modi tendendi in objectum.

Nomine autem objecti intelliguntur etiam circumstantiae, de quibus p. 1. a. n. 49. satis superque dictum est, an & qua ratione dent actui novam speciem: quibus ex Reginald. l. 14. n. 12. illud obiter addendum est, circumstantiam invincibiliter ignoratam, & quæ nullo modo prævisa est, nec prævideri potuit (quia in voluntatem liberam non cadit) habendam esse pro non morali, tanquam nihil conferentem ad bonitatem vel malitiam moralem.

ARTICULUS II.

De numerica peccatorum distinctione.

561. Non est sermo de illa peccatorum numerica distinctione, quæ conjuncta est cum distinctione specifica: quo modo

Qq 2

v. g.